


**অব্বেষা স্কুলে বই প্রদান করলেন  
যুক্তরাষ্ট্র দুতাবাসের চার্জ দ্য অ্যাফেয়াস'**



ঢাকা, ৩১শে জানুয়ারি -- যুক্তরাষ্ট্র দুতাবাসের চার্জ দ্য অ্যাফেয়াস জুডিথ এ. শামাস গত রবিবার বনানীহ অব্বেষা ইন্টারন্যাশনাল স্কুলের ছাত্রছাত্রীদের বিভিন্ন প্রশ্নের উত্তর প্রদান ও তাদের মাঝে বেশ কিছু শিশুদের বই প্রদান করেন।

গত ১৯শে সেপ্টেম্বর আর্চার কে. ব্রাড আমেরিকান সেন্টারে ধারণকৃত 'সিসিমপুর' এর একটি পর্বে অংশগ্রহনের জন্য অব্বেষা স্কুলকে ধন্যবাদ জ্ঞাপনের অংশ হিসেবে এই বই প্রদান করা হয়। অব্বেষা স্কুলের শিক্ষার্থীরা এ অনুষ্ঠানে চার্জ দ্য অ্যাফেয়াস জুডিথ এ. শামাস এবং ক্রিকেট তারকা মোহাম্মদ আশরাফুলকে দেখে পুলকিত হয়। তারা দু'জনই পড়াশুনার গুরুত্ব সম্পর্কে কথা বলেন। ইউএসএআইডি'র অর্থায়নে

নির্মিত শিশুদের শিক্ষামূলক অনুষ্ঠান ‘সিসিমপুর’ প্রায়ই আমেরিকান সেন্টারে প্রদর্শিত হয়।

অন্বেষা স্কুলের শিক্ষার্থীরা চার্জ দ্য অ্যাফেয়ার্স জুডিথ শামাসকে আমেরিকার শিক্ষা ব্যবস্থা, তার পরিবার ও তার নিজ সম্পর্কে এবং আমেরিকান সংস্কৃতি সম্পর্কে প্রশ্ন করে। জুডিথ শামাস বাবামাদের সঙ্গে লাইব্রেরি ও স্টুডেন্ট এ্যাডভাইজিং সেন্টার পরিদর্শনের জন্য শিক্ষার্থীদের উৎসাহ প্রদান করে বলেন, “আমাদের জন্য এ বিষয়টি অত্যন্ত গুরুত্বপূর্ণ যে, আমেরিকান দুতাবাসে শিশুরা জ্ঞান লাভ করছে। এজন্য আমরা আমেরিকান শিশুদের জনপ্রিয় টেলিভিশন শো’র ভিত্তিতে নির্মিত ‘সিসিমপুর’ অনুষ্ঠানের মাধ্যমে শিশুদের শিক্ষাদানে সহায়তা করে থাকি”।

অন্বেষা স্কুলের অধ্যক্ষা মিস নাসরিন মোনেম খান স্কুল পরিদর্শন ও লাইব্রেরিতে বই প্রদানের জন্য যুক্তরাষ্ট্রের চার্জ দ্য অ্যাফেয়ার্স জুডিথ শামাস ও আমেরিকান সেন্টারের কর্মকর্তাদের ধন্যবাদ জ্ঞাপন করেন। প্রদত্ত বইয়ের মধ্যে রয়েছে শিশুদের জ্ঞানকোষ, ছবি সম্বলিত বই, আমেরিকান চিরায়ত সাহিত্য এবং অভিধান।

আর্চার কে. ব্রাড আমেরিকান সেন্টার লাইব্রেরির পৃষ্ঠপোষকগণ লাইব্রেরি থেকে বই, ডিভিডি এবং সিডি ধার হিসেবে গ্রহণ করতে পারেন। এখানে ইন্টারনেট ব্রাউজিং এবং অডিওভিজুয়াল সুবিধা রয়েছে। আমেরিকান ফিকশনসহ সাধারণ স্বার্থসংশ্লিষ্ট বহু সংগ্রহ রয়েছে এই লাইব্রেরিতে। আরো আছে দ্বিতীয় ভাষা হিসেবে ইংরেজি, কম্পিউটার এবং ব্যবসা/ব্যবস্থাপনা সম্পর্কিত বহু বই। লাইব্রেরি রাবিবার থেকে বুধবার সকাল ১১.০০টা থেকে সন্ধে ৭.০০টা এবং বৃহস্পতিবার সকাল ১১.০০টা থেকে বিকাল ৪.০০টা পর্যন্ত খোলা থাকে। বিস্তারিত জানার জন্য ৮৮১৩৪৪১ এ ফোন করা যেতে পারে।

=====

**জিআর/ ২০০৬**

**দ্রষ্টব্য:** এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষাটি পেতে অগ্রহী হন, তবে ‘আমেরিকান সেন্টার’ প্রেস সেকশনে (টেলিফোন: ৮৮১৩৮৮০-৮, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং Website: [dhaka.usembassy.gov](http://dhaka.usembassy.gov) (New) এ যোগাযোগ করুন।